



Selasa, 8 Oktober 2024

Ogen: Sakaria 14:1-11



Tuhan Ngenca Metehsa



**P**ayo, Tuhan ngenca metehsa. Nubuatn nabi Sakaria kerna kedungen kota Jerusalem ras bangsa Israel si iserapken Tuhan. Ise pe la ngasup ngukurisa, ras labo ieteh kalak uga pagi kedungenna. Tapi arah Sakaria Tuhan ngerana, kerehenNa enggo ndeher. Tupung reh pagi Tuhan, Jerusalem irampasi, janah barang rampasen e pagi ibagi-bagikan kalak i lebe-lebe kalak Israel. Ipepulung Tuhan pagi kerina bangsa-bangsa merangi Jerusalem. Rumah-rumahna irampasina, diberu-diberu ijajahina. Setengah anak kuta e ibaba ku pembuangan, si lebihna tading i bas kuta e. Bage me cara Tuhan ngekernepen bangsa Israel si ngelawan IA. Tapi la kerina ikernepenNa, lit si iserapkenna guna nerusken kegeluhen bangsa Israel. Bangsa si iserapkenna e pagi iselamatkanNa. Ndarat me Tuhan ngelawan bangsa-bangsa si merangi Israel. Tedis IA i deleng Saitun arah kenjulu kota Jerusalem. Dungna deleng e terbelah jadi dua, sembelah miser ku utara, sembelah nari ku selatan. Kelang-kelangna e lit baluren si mbelang. Ku baluren e me lompaten bangsa Israel, tapi reh Tuhan ras malekat-malekatNa nampatisa. Tupung e pagi lanai lit gelap, mbergeh entah salju. Katawari pe terang bagi suari. Janah Tuhan pagi jadi raja doni enda kerina. Bangsa Israel si sisa, ringan pagi i Jerusalem, ngeluh alu teneng ras dame. Isembahna Tuhan alu payo janah isaksikenna Kuasa Tuhan e man ise pe. Gelar Tuhan ngenca itandai kalak i japa pe. Bage me cara Tuhan nelamatkan bangsaNa. IA ngenca metehsa, saja tetap nge banNa dalanna uga gelah bangsaNa e terkelin. Sura-suraNa gelah bangsa e jadi saksi kinimbisanNa.